

Aruba Sport Uni a eligi miembronan nobo

ORANJESTAD(AAN)-- Directiva di Aruba Sport Unie (ASU), kier a informa, cu dia 30 di Maart 1990, a worde teni e reunion general anual na Wilhelmina Stadion.

Durante e reunion aki, a worde eligi miembronan nobo den e directiva di ASU.

Constelacion di directiva di Aruba Sport Unie pa 31 di Maart

ta como lo siguiente.

Como presidente a keda eligi, Sr. Frans Figaroa, vice presidente y alavez tesorero, Sr. Carlos Bislip, secretario sr. Danny Dumfries, segundo secretaria, sra. Gloria Croes y segundo tesorero Gabriel "Gaby" Illidge.

Como comisarionan a keda nombra, Randy Arends, Emeterio Bareño, Rosendo Bareño, Ronny Hoogvliets,

Cesar Kip, Ivan Kelie, Joseph Larmonie, Karel Maduro, Robert Nieuw y Rene Sommer.

Advisor juridico, Sr. Tabare Monzon y advisor general sr. Joseph A. du Bois.

Aruba Sport Unie ta e organo maximo y nacional den deporte na Aruba y su meta ta pa contribui na e desaroyo di deporte den nos comunidad.

E aña 1989 tabata un aña cu

hopi actividadnan tanto riba tereno local como internacional.

E facilidadnan a ser usa door di Bondnan tanto pa eventonan local como internacional y tambe diferente instancianan a haci uso di e facilidadnan di A.S.U. sea pa eventonan deportivo (Bond, clubnan, schoolnan), Carnavalesco, Religioso y Cultural internacional (Festivals, shows).

A worde organiza e.o. tambe un seminario titula "Deporte y Salud" den cuadro di contribucion na desaroyo di deporte. Tambe a worde celebra "30

aña di Consehero General di Directiva di A.S.U.", den A.S.U.

Aruba Sport Unie ta trahando pa mehora e situacion deportivo y tin plena confianza di por conta cu e cooperacion di Gobierno y otro instancianan.

En coneccion cu celebracion di 50 aña di existencia di Aruba Sport Unie na aña 1991 (fecha 23 di December 1991), Directiva tin planes pa organiza diferente eventonan Deportivo.

Aruba Sport Unie lo sigui ta e organo maximo cu ta trahando positivamente pa desaroyo di Deporte na Aruba.

Futbol escolar lo cuminsa dia 23 di April

ORANJESTAD(AAN)- E torneo di futbol escolar 1990 pa schoolnan di enseñanza basico lo tuma lugar dialuna 23 di April proximo pa 3'or di atardi den Wilhelmina Stadion.

Tur schoolnan cu ta participa, esta Colegio San Hose,

St. Aloysius School, Colegio Oro Ubao, St. Anna School, St. Michael/Cristo Rey, Pieter Boerschool, Heilig Hart College, Rosario College, Maria College, Internacional School ta worde solicita pa ta presente na e ceremonianan di apertura oficial bon uniforme.

E programa ta encera desfile di e schoolnan participante, Himno di Aruba canta pa e alumnonan acompaña pa drumband, discurs

so di Ministro di Deporte y representantenan deportivo y por ultimo inicio di e encuentronan deportivo.

Athletics Amstelito a empata serie den softball play off

ORANJESTAD(AAN)-- Diaranzon cu a pasa, riba tereno di Caribe, tabata tin e dos encuentro di play off entre Ath-

letics Amstelito y Aruba Video Center den liga Kibrahacha.

Tabata trata di un partido sumamente interesante unda cu un publico basta grandi a asisti y apoya nan respectiva equipo.

Athletics Amstelito despues di a perde nan promer encuentro, a sabi di bin duna un bataya fuerte logrando una victoria importante cu score di 2-1 riba Aruba Video Center.

Athletics tabata tin siete hit y a comete un solo error, mientras cu Aruba Video Center tabata tin cinco hit y a comete cuatro error.

A gana e partido Albertico Kock, mientras cu Henk Arnold a carga e derota.

Mihor bateadornan pa Athletics tabata Daniel van der Linde cu un hit den un turno, y Robby Arambatzis cu dos hit den cuatro turno.

Pa Aruba Video Center tabata Lorenzo Koolman un hit den un turno, Christiaan Dammers dos hit den dos turno y Wilbert Maduro un hit den dos turno.

E proximo compromiso di e dos equiponan aki lo ta probablemente dia 21 di April.

Poy Flanegin ta cu e equipo di Richmond

ORANJESTAD(AAN)-- Den curso di siman cu a pasa, a ser bisa cu Poy Flanegin ta cu e equipo di Aruba Video Center ainda.

Pero siman pasa Diamars anochi, nos por a mira un wegá di fugeo entre Richmond y Marlboro, unda cu e persona poy Flanegin tabata afilia cu e team di Richmond.

Nos no ta mira kico tin di sconde aki nan si Poy ta cu Richmond of lo keda pa Aruba Video Center, pero un cos si, si Poy bay cu Richmond ta un perdida grandi pa Aruba Video Center, ya cu e ta un hoben cu por domina hopi bon riba monticulo, no papia mes cu su bateo e ta tremendo.

Poy tambe por ser usa den outfield cual a keda demonstra den e ultimo campeonato.



medicare MASSAGE INSTITUTE

situa na Italiestraat 2

ta duna su tratamentonan profesional (S.T.I.V.A.S. diploma) e.o. tratamiento pa puistjes, litteken, limpieza di cutis general, tratamiento pa cutis, vet, seco, gevoelig, massage general, buikmassage, rugmassage (stress), cellulitis.

Por pasa pa huidanalyse.

Pa mas informacion por yama na

tel.: 31422

Horario: dialuna pa diahuebs:

8:00 a.m. - 12:30 p.m. y 2:30 p.m. - 7:00 p.m.

diabierna: 2:30 p.m. - 7:00 p.m.

diasabra: 8:30 a.m. - 5:00 p.m.

despues di 8:00 p.m. por yama tel.: 25460




ORDENANZA PA PERMISO

Ministro do Obras Publicas y Salubridad Publico ta anuncia cu entrante 18 april 1990 durante 14 dia lo tin oportunidad pa un y tur tuma conocimiento na bestuurskantoor, Departamento Central pa asuntonan Juridico y General di un peticion cu a ser haci pa obtene un slijtvergunning pa un supermercado situa den parcela Smith Boulevard 156

E permiso aki ta duna derecho pa venta di bebida sterki por detal, exclusivamente pa wordo consumi otro caminda cu den e parcela pa cual e permiso lo ta valido.

Durante dicho termino di 14 dia tur hende tin e derecho di laga sa por escrito su obhecion contra di dunamento di e permiso aki.

Problema ku likdoor òf kla'i bobo?



freezone!

Freezone ta trese alivio rapido pa likdor, kla'i bobo i kayo doloroso. Freezone ta penetra i ta hasinan moli. Despues di algun dia di aplikashon bo por kitanan fasilmente.



DISTR. HECTOR HENRIQUEZ B. INC.
Curaçao, Tel: 613266 - Aruba, Tel: 23821